

大流士忍

當役將行翁謁王苦請曰臣老不堪且夕之勞大王今日若從三子臣明日餓死願垂大恩留一人言甚哀王聞而惡之厲聲曰特為汝留三子直刃之以屍與老翁

王澤耳士與大軍伏於腹

王誇大嘗出兵印度伐河西諸國悉降之進侵河東遂欲略西方發大兵伐希臘大敗而還王憤恚將再調大軍以雪前耻閱修軍實三年偶罹病而死其子澤耳士嗣立都于百泄波利欲繼父志以報希臘下令管內五十六國悉徵其兵兵士雲集作埒容一萬人以筭之得三百五十萬併役夫凡五百万人自為元帥更發兵艦一千二百隻輜重船三千隻鑿亞突斯山作海峽進船又排列船舶數百隻於黑勒斯奔海峽為浮梁便陸兵進行會風浪大起船壞王大怒縛船工刎其首數海神之罪鞭浮梁三百再排船艦沈鐵鎖於海底繫住之浮梁既成大軍渡之七日夜不絕王閱軍於兌里斯哥希臘都府震懾納降唯士帕大雅典二府不屈士帕大王留尼達以兵六千扼隘口邀戰波斯軍死者七万人不屈遂克之斬留尼達長驅入雅典聲勢甚盛既而海軍敗於撒拉米斯陸軍亦不利王錯愕狼狽棄衆而遁急設浮梁於黑勒斯奔海又為海水摧破遽乘漁舟廬以身免事詳于希臘史

四百六十五年澤耳士為其臣亞答伴所殺子亞答澤耳士嗣立誅亞答伴四百六十二年命設盛宴會七十二省酋長于書山欲見其夫人夫人不從黜之亞答澤耳士寢疾長子太流士合國人五十名謀大逆事覺被誅亞答澤耳士尋死子澤耳士第二立未幾庶弟素克侍諾弒之大流士第二立昏惰無能又弒之自立有

士

王阿克新殺兄弟十五人

一百十八子死子倪蒙立其弟西洛士欲篡王位以希臘兵一万三千與倪蒙戰于古那撒西洛士軍敗被殺希臘將色諾分收殘兵一万還三百六十九年希爾加尼州收阿克斯立暴戾殘虐超過前代殺異父兄弟十五人以固其位大將霸哥斯勸阿克斯伐厄日多取其珍玩而還尋平居比路之亂以功為諸道大都督見阿克斯失眾鳩之及其諸子立其季子亞塞斯為王親攝國政王欲誅霸哥斯霸哥斯迫王自殺立大流士訥答斯孫為王稱大流士第三大流士聲霸哥斯弒逆之罪誅之

波斯會基頓

王亞爾達吉

三百三十年馬基頓王亞歷山德來侵大流士第三邀戰大敗其臣二人以鐵索縛王置之車中將弒王以奪其國會亞歷山德突至二人惶急刺王駕駿馬而逃波斯全地遂歸馬基頓及馬基頓亡服從巴西奔巴西奔本屬波斯至是波斯反受其制縛至紀元後二百二十六年波斯王裔亞爾達吉起兵自立為王

王希律光

亞爾達吉即位定子孫世襲二百四十年為其下所害削巴嗣立與羅馬戰破之擒帝富利利安剝其皮傳十五世歷四百八十六年柯白即位與羅馬戰不克割地請和五百三十一年柯白卒哥士儂嗣立與羅馬戰取數邑又焚掠羅馬都城取其亞細亞管地羅馬將百里沙留來伐却之五百七十九年王卒何毛斯嗣立羅馬人屢侵邊疆五百九十年國人作亂王被逐尋卒長子哥士儂立兇暴使人撲殺其父與羅馬帝希臘格留戰羅馬請和乃殺其使羅馬大舉來伐出禦之敗績又伐土耳其基敗績歸罪將帥殺之將士皆憤怨其長子思儂士在外起兵攻父捕兄弟十八人盡殺

士

之使父觀之後繫父於獄以利鏃刺體膚哥士儂不堪痛苦而死
思儂士自立稱王與土耳其基講和未幾暴死六百三十二年伊索
日耶為王與沙蘭生人戰敗績遂降求援于支那又請土耳其人
禦阿刺伯阿刺伯人誘執王併其地波斯亡

八百十四年將軍太厚叛立太厚朝八百六十八年波斯人阿馬
自立為王設色法里朝太厚朝亡伊斯美爾人色蠻尼來攻阿馬
敗卒色蠻尼在達爾給斯坦自立建國統治波斯諸國色法里朝
亡九百三十三年波斯人新建蒲牙狄朝以馮大道拉為王政令
風俗漸復其舊色蠻尼朝衰九百六十一年土耳其族阿伯特真
據伽寺尼立國自主三傳至孫馬毛多蠶食鄰邦日以強大一千
年波斯王安納巴降于馬毛多一千三十二年土耳其苗達路測

波斯降于馬毛多

波斯降于蒙

克襲破波斯京城王馬蘇得敗死蒲牙狄朝亡達路別克立色舒
格朝子孫世襲一千二百二十二年蒙古來伐波斯王奔印度全
土歸蒙古一千二百五十一年蒙古蒙哥封弟火拉几于波斯火
拉几征服兩江中之地稱王至一千三百二十年蒙古權勢漸衰
一千三百四十五年波斯大疫死者三十萬人一千四百一年帖
木兒郎攻克波斯京城積鬻饑民九萬餘為京觀一千五百年有伊
蘇麥兒者起焉為西格索比後裔西格索比與帖木兒郎同時有
至德世人崇為神人出于沙蘭生云

王達馬斯

伊蘇麥兒子達馬斯年甫十歲嗣父為王在位日久國內治安英
人然金孫至波斯自稱英王依利撒伯使者謁王回教徒拒之不
通達馬斯卒三子爭位伊蘇麥爾第二立盡滅其親族明年醉死

王亞巴士

其弟馬罕未得嗣立與土耳其基戰連二十年一千五百八十二年國內貴族有怨王者推其子亞巴士為王勸之叛父軍士爭棄王從亞巴士亞巴士既執政權與土耳其和賂以多地一千五百九十八年有兩英人來一為波王乞援于歐羅巴各國一教波人戰法越三年復與土耳其基戰連敗之遂復其故地一千六百二十二年取葡萄牙人所轄東方之地土宇日大東至印度河西至抵格連河通商各國始與英國約和

亞巴士有君人之度

王頗有君人之度其待外人一以寬大為主能容別教人其用財專為開化各所設隊商館架橋梁通水道開市場營寺院興學校首都伊斯巴罕最稱宏麗人文頗備而其於倫理未免有遺憾王初有四子其幼時皆溺愛之及長輒生猜忌之念相視猶仇敵惡人稱其子之善遂使刺客殺長子其餘皆命臣下抉其目蓋波斯諸國君長逞暴行於宮中無所不至而王亦類之其制馭國人以致治平亦由威脅

王亞巴士

一千六百二十七年亞巴士卒亞巴士第二嗣立土耳其來伐陷數郡遂講和王在位三十九年疆宇日闊歐洲各國皆遣使來聘卒沙立蠻嗣立耽酒色權勢下移國運漸衰一千六百九十四年卒遺命立子亞巴士美爾薩親族廢之立西佛森為人慈善喬及人叛討平之以賊魁為回教人赦之為肯特哈督一千七百二十二年阿福肯人馬毛多迫王讓位王徒步出伊斯巴罕銜衢人民群聚哀號王諭之曰馬毛多愛育人民或不如余然彼才長于治世能除外患非余所及遂脫王冠告別而去

王西佛森

阿富汗政

一千七百二十二年阿富汗來寇連七年虐殺其民一百万人州郡鞠為茂草死骸累累相望一千七百二十五年王病狂安西里夫為王越五年與阿富汗戰敗死達馬司伯為王一千七百三十二年又與土耳其戰敗績求和將軍尼特可里廢王立其子亞巴士一千七百三十六年亞巴士卒高黎汗為王高黎汗本盜魁為人桀驁出兵略阿富汗乘勢入印度奪特里殺四万人掠其財寶在位十七年為政殘虐國人皆怨一千七百四十三年為麾下所刺殺其姪安特里即位阿富汗乘隙來侵亡地大半一千七百四十八年王弟叛廢王自立尋遭殺六葛即位一千七百五十二年假特叛破京城一千七百六十年假特為王與各國通商一千七百八十一年王弟參達篡位安利馬拉德討之抉其目越三年安

高黎汗為王

波斯介在英俄屬地中間

利馬拉卒喬法嗣立一千七百八十八年喬法遭害瑟德馬拉即位與喬法子六達夫安里戰兵敗被擒六達夫安里即位一千七百九十五年安葛馬罕誅德擒六達夫安里殺之自立設開喬朝都于推海倫越二年遭害兄子福德阿厘嗣立波斯介在英俄屬地中間一千八百十三年俄人來伐亞美尼爾蹂躪殆徧割地講和英人意惡之明年遣使波斯要盟曰歐人逼印度出兵助英後復為俄所侵失三州出償金立約不繫船舶于裏海一千八百二十八年俄人欲助福德阿厘子亞巴士美爾薩即位干預其內政使人恃威力蔑如波人波人怒殺之俄帝出問罪之師脅波王一千八百三十四年福德阿厘卒子六十人爭立英俄二國助其孫馬罕末德美爾薩繼位王為俄人所唆襲希拉

希拉在波斯與阿富汗之間頗為要害英國使臣慕涅爾諫其妄
侵隣境招怨於人時希拉陽臣屬波斯謀自立王乃決意出兵反
為其所擊破英人怒王不從己言發兵船略加爾落克薄西爾兩
港王懼復通好于英俄國使臣說王曰英人將發孟買兵船直迫
波斯灣不如依俄國以為威強王乃聽俄人伐希拉降之未幾希
拉叛王再伐之會英人出援引兵而還一千八百四十八年國內
大亂哥拉生叛軍士潰散王被廢拿斯勒丁為王

波人為英俄
三國所壓

波人為英俄二國所壓常懷危懼及一千八百五十五年哥里迷
之役起二國各欲以波為與國多方脅迫波人恐抗俄立致危害
因辭英遂與構釁明年發兵襲希拉城英人懼波攻略希拉授之
俄人遣兵擊波是歲十二月攻略波斯灣內加刺格嶋一千八百
五十七年取庇西耳埠頭法帝拿破崙居間勸講和立約許希拉
自主而阿富汗全國亦皆獲自立

波人近慕歐
洲

波人近慕歐洲文物一千八百七十三年王遊歐洲各國各國待
之甚厚旋至土耳其訂盟修好是歲八月歸國七十八年王欲抵
法國觀博物館啓行前一日謁祖廟兵卒擁王車作亂王脫走塵
免縛暴徒十人處死遂抵法國觀焉頌照相于國中

教法之祖
羅斯的

波斯政體君主專制王居伯蘭有一大宮在伊斯巴罕其故城石
泄波利瓦石為堆尚足徵其壯大通國氣候温和美草嘉樹甚多
花時芬芳可愛國人好讀書談古訓有重德義之風又詠詩歌愛
山水勝槩其國教法之祖曰瑣羅斯的紀元前五百五十一年著
經書稱波斯之聖其說謂有二神以統宇宙一曰和爾摩為善神

一曰亞利漫為惡神二神各欲行其志爭鬪不止至一萬二千歲之後和爾摩大捷而天下之惡皆消又曰公道者赴樂土之梯航也雖暴惡者苟能悔過淨刷塵心則亦得受無限幸福日月星以和爾摩大能力造之不可不崇敬如地水火風亦皆當加敬故大陽以下諸神列于祀典者甚多國人皆奉其教至紀元七百年代始信摩哈默教

波斯教法與孔子相近

論曰波斯在昔教法頗與孔子之道相近故其國勢隆盛法度禮儀有可觀者及回教興舍舊從新惑之甚也是以殘忍酷虐之風千歲如一日弑其君父食其骨肉恬乎無之顧也豈不悲哉亞細亞西南諸國如波斯土耳其皆為最古之國而殘酷成風報復不已以致人文卻步國威益衰終為回教所驅逐吾固悲其愚而未得其說也噫

韃靼記

韃靼諸部古稱匈奴群居亞細亞北方不詳其祖以遊牧為業蠻野好戰侵掠隣邦屢寇支那及羅馬衰入歐羅巴一千三十年間匈奴入俄羅斯及羅馬境其首過底拉為人殘暴大恣焚掠所過一空益進劫略日耳曼併吞比利時再進入法蘭西法蘭西與羅馬合力拒戰匈奴軍大敗死者三十萬過底拉途死部下潰散亂始平自是匈奴族屢出百戰百勝之將橫行支那諸國侵晉唐遼金蠶食大半其用兵於歐羅巴諸國聲名赫著者首推鐵木真帖木兒郎

匈奴族屢出百戰百勝之將

鐵木真

鐵木真內蒙古人父曰也速該其先土伯特國支族為一部酋長

至也。速談併吞諸部，始強大。鐵木真深沈，有大略。年十三，承父後，為首長，統御部下。部下侮其幼，欲取之，遂叛。搆兵，鐵木真遁，依噶刺各爾。首首以其女妻之，董督部下，既妬其才名，謀害之。鐵木真亡歸，舉兵伐噶拉各爾，一戰破之。諸部合從來攻，寡兵邀之，戰黑龍江，大捷。四隣震懼。一千二百六年，即土御門天皇建永二年，會衆幹難河，立明約，一統全地球。行即位禮，衆上尊號曰成吉思汗。親將兵，侵金，踰長城，陷北京，聞西韃靼亂，率七十万衆，馳飛電掃，直搗裏海，進取達爾給斯坦，平波斯，併甲加索，侵入俄羅斯，波蘭，匈牙利，細勒西，所向無敵。更命其將滅金，齡七旬，并吞宇內之念益壯，親將大兵，絕沙漠，略支那西北，罹病，歿于六盤山。鐵木真自舉兵來，殺人不下五百万，有妻妾五百餘人，子女甚多，三分其

國，授達爾給斯坦之北，西自裏海，至北高海，于長子朮赤。達爾給斯坦全國，于第二子察合台。蒙古全部及黑龍江，于第三子窩闊台。窩闊台後二世在位，不久而卒。第四子施雷子忽必烈即位，亡宋，一統支那，立國號曰元。其疆域南至前印度，北達北冰海，東至滿洲，朝鮮，西達小亞細亞，幅員廣大，古今未有其比。

帖木兒郎

帖木兒郎，達爾給斯坦人，為忽必烈裔。是時國內分裂，敵人來侵，帖木兒郎幼為伯父所育。年二十四，舉兵，驍勇無比，一統全國，蠶食四隣，終欲統一全地球。遷都撒馬兒罕，西略至低格里河，悉取其地。明年戰于烏拉山，西入俄羅斯，侵墨斯科，兵鋒所向，焚掠一空。後四年，入印度，屠諸邑，進圍首府，特里屠殺十萬人。明年大舉赴西里亞，與厄日多王戰，破之。又與土耳其戰，土兵三十万，帖木

兒郎軍二十万、血戰六小時、鏖殺土軍、虜其王巴牙屑、而還、將大舉入支那、大修兵備、明年率二十餘万衆、而發途、罹病數月而歿、鐵木真後四百年、又有愛親覺羅氏、起於韃靼、滅明、一統支那、立國號曰清、語載于支那國史、

變祖自蘇
臨梁

論曰、韃靼自古號稱陸梁、薰鬻儼狁、皆是也、屢犯支那、掠其北邊、至于近古、最甚、豪傑輩出、獨立自主、威振四隣、然其國固無文字、紀事、國勢與人廢興、雖有善政、僅止其身、故至今寥寥無聞也、使其旁通宇內之學、有良法傳於後昆、則亦未可悔也、

萬國史記卷三終

萬國史記卷四

阿波 岡本監輔 著
東京 中村正直 閱

亞細亞史第四

亞西里亞記

泰西人謂亞西里亞為人類首出之地、不足信也、其說曰、地球之造、在六千年前、上帝創造地球、生育萬物、又象已以造人、使之統宰地上萬物、名之曰亞當、亞當猶言地上人也、上帝又令亞當酣睡、取其一脇骨、造一女、以配亞當、名曰夏娃、二人居埃田園中、其地在亞細亞之西、幼發拉的河畔、氣候溫和、常如春日、樹木繁茂、菓實豐熟、生活之道、不求而足、清泉灌注、美麗無比、亞當與夏娃

地球創始
當出焉

棲息其間，並裸亦無愧焉。二人愛敬上帝，最深上帝亦撫二人。猶子，上帝謂二人曰：園中諸菓，任意可食，唯別善惡之菓，不可食。食之必死。有蛇誑二人，使食所禁之菓。二人目忽明，能見地上諸物。自知裸體，遂編蕉葉為裳。上帝怒，逐二人，使其身及子孫，非勞動不得衣食，身體死亡。心思闇弱，夏患炎熱，冬患沍寒。亞當九百三十歲而終，有三子。長曰該隱，次曰亞伯，季曰設多。該隱稟性暴惡，怨嫉亞伯，殺之，不能自安。遁挪得之地，勞苦終身。該隱後裔皆承其邪曲之心，名之曰人類。後上帝以設多代亞伯，繼亞當之後，名之曰上帝之後。設多之子伊那士，創民會，崇奉神道。其孫伊諾所行合乎上帝。伊諾之子馬土撒拉，馬土撒拉之子拉麥，並享壽數百歲。拉麥生挪亞。時人心敗壞，日甚。設多之後，與該隱之後，互

洪水遍地方
物溺沒

通婚嫁惡業日長。於是上帝欲掃蕩地上動物，唯有挪亞善良。正直。上帝謂之曰：予欲起大水，蕩滅全世界。愛汝一人，使保生命。直造大船，携汝婦及汝子婦，盡入船中。挪亞乃剝木為方舟，以瀝青塗其內外，載親戚及各生物，族類牝牡各一。既而霖雨四旬，晝夜不息。洪水遍地，汎濫洋溢。人民及各生物，一切溺沒，無復孑遺。而唯挪亞一族無恙。實開闢後一千六百三十六年，而紀元前二千三百四十八年也。洪水以前之民，曰安提日流伯拿，蕃衍於亞細亞。一小部落如歐羅巴、亞非理駕，則未有民種。生育者，洪水始於一月至三月，而雨猶未歇。及雨歇，洪水漸退，歷一百有五十日，全消。七月十七日，挪亞方舟止於阿臘山巔。逮十月朔，山巔始見挪亞。自方舟而出，其後動物散處各地，經數百年，遂繁衍於全世界。

人民擬作巴
伯塔以避洪
水上帝夢
清亂言格

挪亞享壽九百五十歲有三子閃罕雅弗挪亞與三子各挈其族
抵阿臘山之南賽拿耳之地沿幼發拉的河住焉蓋亦洪水前人
民所往之處也當是時人民皆記洪水之殃惴惴然以為人有兇
德必再致此天譴相議築一大塔高達霄漢遂昇天以避之因起
工於幼發拉的河東巴伯之地其材用瓦以松膠粘土塗之衆工
孜孜層高至數万丈俯瞰地面甚幽遠仰望太陽衆星不異地上
所見一日衆工會作塔上人呼瓦則塔下人持樹脂而至呼樹脂
則運瓦而至諸般要需皆乖錯於是衆人絕念營築各率其言語
相通者散之四方閃之孫居幼發拉的河近旁而罕之孫徙亞非
理駕雅弗之裔徙希臘後來有人在幼發拉的河畔創見一大丘
用瓦壘之以樹脂相接蓋係四千年前所築塔基云

西南建國
初

尼塔建巴比
倫府

人民既散而賽拿耳之一地有其族為聚落者通婚嫁互相保其
地氣候溫和土壤膏沃歲月漸遠土宇益闢乃經營都市曰亞西
里亞是為西南建國之初其境域隨時廣狹不一大抵在波斯灣
北低格里幼發拉的两河之側
閃之子亞蘇爾為亞西里亞之祖亞蘇爾之子尼弩雄武用兵取
巴比倫征服四隣洪水後七十九年即神武天皇即位前一千六
百九年營都城於低格里河畔是為尼尼微城城壁高一百尺府
周五十里無幾建巴比倫府於幼發拉的河畔方形周圍十五里
開鐵門一百通大路街衢井然結構壯大過尼尼微城城高三十
五丈厚八丈七尺壁上可列車六輛翼壁有塔二十五座以銅造
之河岸兩壁相對中央架一橋闊三十尺橋之前後有園庭以宏

大屋宇為基開園亭於其上巍然跨河景象絕豔殆如空際飛舞者號稱飛園大石巨木及各種花草無一不備園之東畔有塔塔頂更造一堂製作巧妙安置伯路像伯路神名堂頂高六百十尺像高四十尺

寧祿營

西迷拉美斯
大志

西迷拉美斯
擊印度

巴比倫府係寧祿之孫寧祿創建其宮室園庭與伯路像皆西迷拉美斯所作寧祿營巴比倫蓋在洪水後百年間當時洪荒未闢猛獸食人寧祿為獵夫長勇武絕倫驅獸衛民民不從者壓服之遂為首領上古有首領始此西迷拉美斯尼弩后也有大志及尼弩卒遂襲位欲經略萬國立無前之勲率兵略亞非理駕至伊西阿比伐波斯奪其地又聞印度富實欲取之大徵兵親將抵印度河印度有象隊象背架戰樓戰士執兵器以騎馬每一象當一隊兵

衝突敵軍莫不如意西迷拉美斯設一計殺水牛三千縫其皮蒙之駱駝背驅出陣前望之宛然象隊也印度兵大驚兩軍將合印度王驅象而進西迷拉美斯驅駱駝逆之印度兵薄亞西里亞陣知其非真大呼突其中堅象逐駱駝狂奔鼻掀兵士拋諸空中立蹂躪數百人亞西里亞軍遂大敗西迷拉美斯被重傷乘一小車僅免既歸巴比倫宮國人作亂被髮入亂兵中奮勇指麾亂兵不戰而潰乃捕首謀者殺之國中以治居無何為其子尼尼亞士所殺

尼尼亞士
自立

尼尼亞士弑母自立在紀元前二千年實洪水後三百四十年也尼尼亞士深居宮中務於奢靡不修政事既知國人怨已置兵自護猜疑愈甚卒為人所殺自是後一千餘年無復事蹟可考蓋歷

攝達巴羅

亞里亞

後巴比倫王
拿拉撒

尼布甲得尼
撒武

代率類尼尼亞士偷安姑息無一足傳者至撮達巴羅美姿貌好色最怠惰不問民事常做婦女狀傳香粉以悅婦人飲讌歌舞無度或雜婦女織絁會馬太州牧亞巴思與巴比倫牧拿拉撒叛起兵來圍巴比倫府收集貨寶積諸殿上縱火與寵臣美姬同焚死國亡是為紀元前八百七十六年事

亞西里亞亡後其地分裂為三曰後巴比倫曰後亞西里亞曰馬太後巴比倫太祖則拿拉撒與亞巴思共滅撮達巴羅創建其國王精通曆法自作日曆頒之國中猶太人但耶利聰慧有學識王得異夢心惡之秘不言其狀使羣臣占之但耶利進曰臣知之矣大象立於前其首金其臂銀其胸腹銅其股鐵其足鐵與泥半既而大石飛墜像立碎暴風起吹散其塵信有之乎金首者像王

也銀臂者將有旁族興也銅身者繼統之國將有廣土也鐵股者再繼之國當摧各部也足之泥分土之象石碎風散興亡之無定也王驚異以為神人寵待之王卒子尼布甲得尼撒嗣立雄武善用兵與尼日多王尼哥戰破之又屢與猶太交兵陷耶路撒冷焚掠神廟遂滅其國徙其名族於巴比倫侵腓尼基拔推羅後復擊尼日多降之晚年修築巴比倫城結構壯麗出西迷拉美斯之上造天文塔始作種布諸物王病狂卒子未米羅達嗣國勢漸衰紀元前五百三十八年王伯沙撒為波斯王居魯士所滅地歸波斯五百十八年國人叛波斯波斯王大流士以大兵圍之歷一年八月城陷大流士釘其民千人於架柱惡其城垣之高折毀太半至今猶存遺址

後亞西里亞國
亞王滿厥比
利

後亞西里亞國其始祖曰滿厥比利嘗侵以色列又聽猶太王亞
巴思請攻其屬國西里亞取之至子撮馬拿撒益強盛擒以色列
王何西亞滅其國徙其名族十姓於亞西里亞撮馬拿撒子曰西
拿基立出兵擊厄日多攝王屑敦猶太王希西家會軍中疾疫死
者過半乃退兵撮馬拿撒二子亞得米勒撒拉塞兒謀叛弑父李
子以撒哈頓殺二子即位後發兵擊猶太擒其王馬拿太再傳至
撒拉古為巴比倫王尼布甲得尼撒所滅

馬太王亞巴
思

耶巴塞拿
城

馬太本民族名其先居裏海之濱當亞西里亞之末州牧亞巴思
與巴比倫收拿扑拉撒合兵攻亞西里亞滅之分其地王卒後國
久不和紀元前七百十年王狄紹塞定都耶巴達拿結構不下巴
比倫府四周墻壁七層層異色望之如虹霓中央王宮悉以金銀

作之王卒子法拉屋的嗣擊波斯克之取亞細亞諸部晚年與亞
西里亞戰軍敗為擒遂被殺子削蓋拿勒嗣立與巴比倫王尼布
甲得尼撒連和攻亞西里亞破尼尼微城殺其王撒拉古初敦河
與窩耳瓦河之間有一種民族曰西翅的以劫盜為業橫狂暴戾
久為隣患削蓋拿勒伐取其地始歸廓清後與呂底亞交兵數年
遂講和議為其子亞士智芮娶呂底亞王亞理渴的女威名烜
赫四隣奉令晚年志氣驕盈政令苛急亞士智芮嗣波斯自立抗
馬太亞士智芮怒紀元前五百九十年起兵伐之不克遂為其所
滅

巴比倫文字

論曰泰西人傳巴比倫文字與漢文極相似但橫寫縱讀為異耳
天下文字最古者有籀文科斗及梵字巴比倫字可徵其建國最

古巴比倫城高厚無比號稱宇內七大宏工之一何其盛也寧祿為古實之子古實即罕之長子而西迷拉美斯為尼弩后尼弩之父亞蘇爾亞蘇爾之父閃其間相距不甚相遠而謂文明富強云云可疑蓋洪水掃蕩万物者甚之之詞也挪亞為名族其子孫口碑相傳如此要非通論如人民營巴伯塔恐非挪亞一家之裔也不然曆數必有謬矣不過為之穿鑿而可也當寧祿初建巴比倫城廢民膏血以供版築蓋自以為子孫萬世帝王之業不一再傳而西迷拉美斯代之益宏其規模西迷拉美斯被弑子孫不振尼布甲得尼撒代立復修其城及居魯士來攻不血刃而克之金城湯池果足恃乎至今瓦礫猶積成岡阜古人英靈何在也使人發浩嘆

巴勒斯坦記

巴勒斯坦係亞伯拉罕創建亞伯拉罕以洪水後二百年生於恪耳特亞其地在亞西里亞之南其族敬日月拜偶像而亞伯拉罕獨崇上帝神聖有明德幼時牧羊為牧人長父他拉卒去恪耳特亞西徙迦南仍牧獸畜是為紀元前一千九百二十年事實神武天皇即位前一千二百六十年也迦南在亞刺伯之北地中海之西土壤膏沃後世呼曰巴勒斯坦即善土之義天神命亞伯拉罕子孫世居此因號其族曰希伯來即異國人之義一號以色列從耶哥伯晚年之名也又曰猶太猶太耶哥伯子也亞伯拉罕牧人與亞伯拉罕第羅得牧人爭牧地亞伯拉罕喻羅得擇美地居焉其後羅得之民驕淫不從禮義上帝怒降火雨全

亞伯拉罕
建巴勒斯坦

亞伯拉罕祭
天神

都沈沒變為鹹海今死海是也亞伯拉罕在外備嘗艱難與其妻
撒拉率眾婢僕及家畜屢遷徙無定居常住帳幕中亞伯拉罕年
一百歲撒拉九十歲始舉一男曰以撒天神欲試亞伯拉罕命上
摩理山殺其子以充燔祭亞伯拉罕束薪於驢背登山築壇坐子
於積薪之上抽刀將斬之空中有聲止毋殺因殺牡羊以代祭云
亞伯拉罕事迹多神異不可勝記得壽一百七十五卒於迦南之
希伯倫猶太亞刺伯兩國人其系出於亞伯拉罕故兩國常稱亞
伯拉罕為始祖

以撒有二子長曰以掃次曰耶哥伯以掃嘗飢耶哥伯請饋一碗
羹易長子之權因獲寶多福天神賜號曰以色列以色列與上帝
角力之義也

耶哥伯代兄

約瑟福地厄
日多

耶哥伯生十二子鍾愛約瑟福諸兄嫉之鬻諸厄日多為大族波
提乏僕波提乏妻欲通約瑟福不聽妻反讒之波提乏波提乏大
怒下之獄約瑟福在獄為人卜夢莫不中或薦之王法老使卜其
夢約瑟福曰七年豐登七年凶荒因勸法老儲粟以備之後果如
其言法老信之命統國政紀元前一千七百七年迦南饑耶哥
伯諸子聞厄日多有積粟皆赴焉獨留季弟便雅憫約瑟福見諸
兄佯為弗知者責為敵間盡下之獄後赦之留一人遣歸九人與
便雅憫共來以證前言真偽兄弟遂拉便雅憫抵厄日多約瑟福
饗之與諸兄就列長幼有序兄弟皆以為厄日多王遇已之厚也
約瑟福窺置銀盃於便雅憫囊中待其去使人逐之揆便雅憫囊
中得銀盃因目為盜詰之諸兄請曰願已為奴以免便雅憫不聽

再三請曰父愛便雅憫聞其不還必將殞命悲嘆交至於約瑟福不自禁曰吾約瑟福也言訖淚潸潸下曰上帝使我先諸兄來此救諸兄之厄因使速歸以王輅迎父於是各携家眷至厄日多約瑟福得與耶哥伯相會其喜可知也厄日多王賜耶哥伯河山牧地約瑟福善視之使無匱乏之患

厄日多王虛希伯來人

當是時厄日多人口稠密文明冠於天下法老卒約瑟福繼歿厄日多王惡以色列子孫漸昌而其教法異已虐使之如奴隸凡百苦役皆令希伯來人當之今尼羅河畔所有金字塔亦希伯來人所築云當時王亦稱法老尤兇暴下令國中凡希伯來人生男皆投之尼羅河有一婦人舉男不忍投之或教之作荏箱載兒隱諸葦間有王女來浴見荏箱命婢取之見箱中有兒惻然召其母遂

摩西導希伯來人去厄日多

收養之命名摩西稍長教之厄日多諸學摩西既受其教養日擊希伯來人艱苦未嘗忘於懷曰希伯來我之兄弟也欲救之嘗見厄日多人凌虐希伯來人不堪怒殺之遁到米田荒野為人牧羊四十年後還厄日多與其兄亞倫請法老率族人還本國法老不聽乃設神術屢窘法老法老遂放希伯來人使還其國希伯來人將直抵迦南過亞刺伯一方天神慮其迷途晝間現雲柱狀以導之夜現火柱狀以照之法老既遣希伯來人悔之自將大軍追躡至紅海海水忽逆流分左右凝固壁立中現一條沙路希伯來人從壁下過既達前岸顧視法老軍車騎兵士儼然整列既而水壁一齊頽壞怒濤洶湧法老全軍溺死水面忽復舊紀元前一千四百九十年摩西與其族俱達亞刺伯沙漠自耶哥伯移住厄日多

約書亞取迦南

至此二百十五年子孫蕃滋至二百萬人摩西齡既八十矍鑠過人温厚謙讓能忍耐事沙漠本乏飲食上帝為賜甘露與鵝鶉以救希伯來人希伯來人嘗大渴摩西杖擊巖石水乍噴出然希伯來人未嘗拜上帝一信偶像沙漠中央有西奈山天神現身山上親授十誡於摩西摩西作舊約書教導希伯來人希伯來人不從迫亞倫強作黃金小牛拜之罪惡甚多遂獲神罰漂泊沙漠中死者六十萬人自厄日多境至迦南歷二百時程而漂泊經四十年摩西亦不過在喜西額山遙望迦南之地而卒於山上時年一百二十歲云其後約書亞為以色列族長鄉導之始得入迦南與異教人戰七年遂取其地分為十二領之以色列十二族自十二族定居迦南屢生爭隙隣敵交乘之於是始置審官為十

參孫勇

二族長平時行政戰時任將間有偉績足傳述而其田者名特顯嘗有米田人來侵其田撰精兵三百人各持土壘中貯燈火乘夜襲米田營米田人不虞以色列兵至熟睡帳幕中其田令三百人預記暗號投壘敵營吹喇叭如雷敵軍大驚擾以色列兵突進呼曰是天神之劍也米田兵十三萬五千狼狽相殺多於以色列人所殺其能免者不過一萬五千人其後審官參孫為人強勇長其頭髮垂諸項頸則膂力能敵數百人當是時非利士克服以色列而參孫竊欲復之嘗與非利士戰殺其一千人唯持驢馬領骨不帶一兵後為非利士所擒幽於額撒府手破府門牆門扇越丘七去參孫愛非利士婦人特利拉特利拉心欲殺參孫百計誘之問其所以能勇卒得其實因窺參孫熟睡斬其頭髮告諸非利士人

非利士人乃捕參孫，抉其眼，以黃銅鑲縛之，繫獄驅使，不異獸畜。而參孫服役不怠，一心欲蓄頭髮，以復讐。一日，非利士人祭像神，開威讎，酒酣，衆欲觀參孫技，召之。參孫進出廟前，銅鑲鏘然有聲。自知頭髮既長，勇力復常，請倚廟中二大柱而坐。非利士人滿堂注視，皆祝其勝。勁敵嘖嘖不已。參孫抱二柱，搖撼之，堂宇振動如地震。屈身鼓勇，則大廟一齊推倒，響如雷，震地而非利士貴族大人皆為其壓死，而參孫亦死矣。

審官撒母耳

自希伯來人得迦南後四百年，審官相續，管理土人有撒母耳者，德量過人，能察民枉，從摩西法，諄諄誘人，四十年，其子代之。國人不服，欲別立國王。撒母耳年老且賢，諭衆曰：「有王不如無王。」因舉古今王者擅威行虐之跡，示之。國人不肯，撒母耳乃立便雅憫裔。

掃羅為君，掃羅年幼，半采都雅，心思慧敏，以色列人莫與之比者。撒母耳塗膏其頭，以行，卽位之禮。

掃羅卽位

大關與利利亞
亞關役之

掃羅卽位之初，能謹其行，號稱賢明。後與隣國戰，屢勝，漸驕慢。撒母耳盡心輔佐，不聽。會非利士人來寇，非利士有勇士，珂利亞，身長十二尺，著黃銅鎧，提長槍，鋒尖重可三十磅，每臨陣大呼曰：「單身格鬪，以色列人畏之，猶羣羊於獅子，無敢應者。時有猶太族一人曰：大關尚幼，以牧羊為生，嘗格殺獅熊，自謂吾力足當珂利亞。」掃羅悅，授之鎧甲。大關辭不敢著，做牧兒粧，一手携杖，一手執擲石繩帶，一革囊，盛光滑石五個，出狙珂利亞。珂利亞鎧甲鮮明，揮槍輕如蘆葦，叱咤聲如大雷。目大關曰：「來，吾將以汝肉餵野獸。」大關毫無懼色，大罵曰：「余當斬汝頭，以汝屍投身野獸。」珂利亞大怒。

而進大關乃約石于繩拖之中柯利亞額立倒大關進抽柯利亞所帶之劍刎其首非利士全軍大驚周章逃走以色列兵逐北殺傷無算大關乃提柯利亞首還以色列婦女大悅踊躍出迎遠大關奏凱歌曰掃羅能退一千之敵大關能破一萬之兵掃羅忌大關功畏其迫己欲殺之者數太子約拿單與大關親善私告父謀大關惧遠遁沙漠之地掃羅在位二十年後與非利士戰不利而死太子約拿單亦死之大關聞之悲悼不已至嚙破衣服猶太以色列皆推之為君大關遂即王位

大關為王

大關既為王屢與隣國戰拓開疆土至幼發拉的河破耶布斯取耶路撒冷擊西里亞盡併其地又開貿易之道以便國人更定租稅律令兵制號稱賢哲四隣諸國莫不服從古今王國之強盛未

大關崇信上帝

有其比也王居常崇信上帝作詩頌其功德世人稱之大關詩經誦之不謬王嘗遷都耶路撒冷在位四十年卒太子瑣羅門嗣立瑣羅門即位紀元前一千十五年未弱冠深達學術智慮踰眾嘗有甲乙二婦爭一兒携抵王所訴之王親聽命侍臣執劍來曰予今斬兒為二使汝二人各取一半因拔劍鋒鋦閃閃甲婦號哭曰毋用殺請付兒於彼彼實兒母也乙婦畧無惻怛之色曰吾從正而已請速斷兒體吾願得一半王熟視乃投劍曰吾得之以兒與甲婦

瑣羅門繼二婦之訟

自希伯來人脫厄日多至此四百八十年未有建殿堂祭天神者大關欲經營廟宇於耶路撒冷以拜上帝未果而歿瑣羅門繼其志與推羅王希蘭作通商約款每歲輸出小麥及諸油易其所產

瑣羅門經始
上帝之廟

材木松杉等遂經營神廟其堂縱一百二十尺橫三十五尺高四十五尺其他所屬樓閣跨方二十耶格爾皆掄良材造之壁彫禽獸床壁鍍黃金閱壯瓌麗非筆力所能盡經七年方告竣乃會諸國君長教長及以色列父老以行謝神禮有司祭齋一匱而至匱中藏石卓二基即天神所授摩西以匱安置廟中雲煙忽起駿驟四隅云

瑣羅門名聲
震於四方

神廟既成又多創建都邑與腓尼基人謀新造大舶自亞刺伯灣航亞非理駕各地以行貿易更編騎兵採馬於厄日多以供其用國勢日盛瑣羅門名聲噪於四方厄日多之南有西耶巴國女王當國親來見王盛服迎之入先榻象牙所作鍍金飾之側立黃金獅子女主既驚其威儀堂堂及交語益服其賢以為王猶未吐露

猶太王羅破
暗

其抱負之蘊王在位既久漸驕淫多納他國美女為嬪妾遂惑婦人言崇信淫祀大築道場人心携貳國勢漸衰瑣羅門卒子羅破暗嗣立十族長勸之除苛政王固執不聽十族長皆畔王孤立唯管猶太便雅憫二族稱猶太王都耶路撒冷是為紀元前九百八十年王既失其國之大半嗣後屢遭國難厄日多王塞撒克乘間侵耶路撒冷搶掠神廟及宮殿之寶物

以色列王耶
羅破暗

以色列十族立耶羅破暗為王稱以色列王都撒馬理亞耶羅破暗嘗鑄金犢為上帝率民拜之卒後傳十二世率皆兇頑庸暗信淫祀與猶太相為敵讐至何西亞為亞西里亞王撮馬拿撒所滅撮馬拿撒捕以色列十支人為奴移諸邊地以亞西里亞人實以色列舊都以色列亡為紀元前七百二十一年

猶人二約少法

猶太七

猶太風俗

猶太亦有二十王相承羅破暗卒亞庇雅繼之三年卒亞撒繼之
 號稱賢能亞撒後有約少法亦以賢明稱國力日強造壯丁冊計
 可充兵者凡百万人紀元前八百八十八年約少法卒耶何蘭嗣
 位王后擅權盡殺王昆弟羣臣誅后國乃安至烏西亞在位五十
 二年國稱治亞巴士繼之招異族助戰遂為民患始入貢於亞西
 里亞希洗家驅除異族境內復安六百八十九年馬拿西嗣立在
 位四十三年亞們繼之荒淫無度為下所弑六百四十二年約西
 亞嗣立內修政事外攘寇賊威振遠近後與厄日多王尼哥戰敗
 死子約雅金立六百六年後巴比倫王尼布甲得尼撒攻服猶太
 為屬國虜其民為奴移之巴比倫越七年猶太叛尼布甲得尼撒
 親將兵圍耶路撒冷虜約雅金立西底加為王西底加與厄日多
 王亞布理士合兵攻尼布甲得尼撒不克五百九十年尼布甲得
 尼撒復圍耶路撒冷城閱二年城陷焚掠殆盡虜其名族數千人
 至巴比倫猶太七

紀元前五百三十六年波斯王居魯士取巴比倫釋猶太五万人
 還本國重建神廟復修禮拜舊式自是屬波斯迨三百三十年馬
 基頓王亞歷山德欲取耶路撒冷自將諸軍而進猶太大祭司雅
 鐸盛服率眾教士及眾庶迎謁王感其有禮不敢縱兵搶掠三百
 二十年厄日多王多利買取耶路撒冷虜十万人至其國後二百
 年常為厄日多人所攻擊後又為西里亞人所奴使屢受殘虐一
 百六十六年國人逐西里亞人西里亞王大怒誓必殲滅猶太倉
 卒出兵在途墜車死自是猶太子孫得執君主之權終稱王號未

希伯來預言者

百年為羅馬將細標所克服死者一萬二千人細標械送王于羅馬以其地與安提巴的三十七年羅馬議事官議以安提巴的子希祿特士為猶太王希祿特士殘忍手刃親戚盡殺前朝舊臣變更朝政地大震死者三萬人時耶蘇生于伯利恒村落先是有術者言天生神人為猶太王希羅得士聞之下令伯利恒及其旁邑捕子女二歲以下者悉殺之後下體腐壞蛆蟲生焉食軀肉以死尋國中盜起民不堪苦西里亞人作亂據耶路撒冷城遣兵討之俘二千人釘之于十字架

希伯來預言者

希伯來有術者國人稱交通天神預言吉凶無不效其最著名者為以利亞嘗住山中鴉含食物來奉見寡婦喪兒甚悲心憐之為一呼兒乃蘇生又使暴王亞伯伏天譴見王后畫像評其為犬食後果驗又兩火焚殺三賊又嘗渡約耳且河揮外套拍河水水兩分現陸路後將昇天天使車馬來迎乃駕之飛沖而去外套自車而落黎撒拾而得之黎撒以利亞徒也一日頑童數輩見黎撒頭禿嘲笑之黎撒叱之忽有二熊出攫殺之黎撒死葬之數月里人有死者葬其旁屍觸黎撒骸黎撒忽蘇生又有約那者為巨鯨所吞在其腹三日不死鯨吐出之有但耶利者巴比倫王太流士聞人諸投但耶利於獅子窟翼日王窺其窟獅不敢傷因命出之捕誣但耶利者投之其人未至窟中獅子出攫裂之又有以賽亞耶喇米諸人屢說猶太諸國亡滅人民將蒙大禍皆驗預言者又說自摩西去厄日多後一千五百年將有施教於四海以發猶太之榮名者必大關之齋也至期天上現一異星三士在東方望之從

星光所照而行至伯利恒見馬槽底有一小兒即耶蘇基督云伯利恒距耶路撒冷三里

耶蘇生年最
為紀元元年

耶蘇生于伯利恒村是為西曆紀元元年實垂仁天皇三十六年而西漢平帝元始元年也耶蘇母曰馬利亞耶蘇生時年尚幼云耶蘇既生屢顯靈蹟既長宣道逐魔鬼療雜病瞽者見跛者行聾者聽死者蘇且使其徒十二人徧歷諸國說教猶太人欲得一君統轄其國而不信耶蘇至耶蘇自稱救世主祭司擬以唱異端惑士民之罪捕之押送羅馬鎮將府鎮將緬丟彼拉命鞭之全身剝傷鮮血溢地乃脫其衣著一弊王衣以嘲其僭竊之妄將酒和苦膽飲之縛其身于十字架釘兩手於橫木兩足于直木與匪類二人同磔殺之觀者愴然俯首而去後瘞之門生二人殉焉越三日

耶蘇十字架
刑

耶蘇蘇生昇天云

法路嘗遍游
教

耶蘇即世後其徒說教者甚眾其尤著者為法路嘗遍游巴勒斯坦西里亞小亞細亞希臘諸國紀元六十一年羅馬人捕之率歸其國與他囚同駕小舟渡地中海過馬太耳島颶風大起舟擱淺破碎泗登岸為人療病頗著神迹尋達羅馬久繫囚固有來訪者則說耶蘇嘗釋放後為尼羅帝所殺自耶蘇徒播其教於諸國諸國信羅馬神教者漸衰久之耶蘇宗徒蔓延于歐羅巴

猶太人服從羅馬有年耶蘇被刑後四十年始叛羅馬羅馬將第度率兵圍耶路撒冷大肆殺戮猶太人受圍糧食匱乏有一貴紳婦炙其子食之第度聞之憎其殘忍誓殲猶太人一夜城陷放火焚之神廟亦火府城四周煙焰烘天宛如火山噴出人民被屠殺

猶太國七

者一百餘萬膏血灌火爆然有聲其為擒者九萬七千人或賣為奴或棄野外使饑死以餒鳥為其餘所遺人口甚少使之再建都府後再叛羅馬帝哈的練怒擊滅之壞其府壁屋宇撒鹽其地於是猶太人散而之四方果如術者所言

四教人虛耶 蘇教徒

羅馬之衰沙蘭生人率兵入耶路撒冷據之尋為土耳其所據歐羅巴諸國合兵攻之血戰二百餘年亂方平是謂十字軍之役初歐羅巴耶蘇教徒皆以抵耶路撒冷拜教祖墓為教門第一義結伴行賽者日眾其人不穿靴被粗服飲食止麪包與水以表信敬之意及沙蘭生人據有耶路撒冷動遭窘苦大教師哈倫亞拉什獨憐卹之不敢沮礙或加恩惠承哈倫後者皆繼其志不敢虐之及亞非理駕法知未族大教師巴勒士底納取西里亞始大虐行

聖傳

賽者至第三世大教師時遂摧耶蘇廟崩壞其墓暴殺教徒第四世大教師立反其道復憐行賽者許其詣廟墓如舊及土耳其破沙蘭生取耶路撒冷夷民成羣亂入禮拜堂大聲叫呼倒机案略幣物甚至歐擊教士碎師父髮扯墜諸祭壇下又置守兵于府門要行賽者出多金不與則不許入門教民萬里冒險纒至遭虐窮乏飢餓以至死者甚眾一千九十三年法蘭西國亞眠教士彼得行賽受其凌虐大憤還謁教皇烏爾伴第二告狀且謀報復教皇以為然命彼得諭已意於教徒彼得赤脚露頭服短窄粗布衣手握耶蘇刑死圖跨驢馬巡行歐洲各國激勵人民語以行賽艱難之狀曰大興軍旅征異教徒以拯同門之難各國聞彼得言感奮激昂爭請効力是歲教皇大會議於伊太利之卑先撒來會者三

萬人東羅馬帝亞歷修遣使者會之謂衆曰土耳其方迫君士坦
丁願藉諸君之力挫其暴威若尚遲疑則恐君士坦丁折而入於
敵人越一月教皇再會議於法蘭西之古勒門欲以決軍議諸國
君長教士貴族庶民雲霞來集邑中無復立錐之地教皇向衆歷
歷陳說土耳其人暴虐之狀且曰耶路撒冷教祖垂跡之地今委
諸教敵之手而不知救回孰謂之篤信上帝者乎汝等宜鼓敵愾
之氣務息同門私怨以傳刃於教敵之腹滅汝舊染罪業去魔界
入清域在此一舉汝等且絕塵世之羈絆勿爲父子夫婦所累若
不從神軍及阻碍神軍者絕之教門莫有所赦衆聽其言或指天
或拍胸揚聲連呼曰上帝欲之教皇曰上帝欲之此言發於汝靈
魂是上帝之命也乃繡十字形於軍服左肩與異教軍士識別衆
踊躍辨治軍裝定以明年八月十五日爲出征期於是夫與妻訣
父與子辭農夫無心於執鋤犁牧人無意於逐畜羣道士出道院
女尼去女院諸國民無男女老少爭從神軍一千九十六年春推
彼得爲大將進向東方兵凡八万彼得慮兵過多付其半於友人
瓦爾得軍律不定軍儲不備沿途搶掠自贍兩將未達君士坦丁
屢與匈牙利人布爾加利人戰失其大半希臘帝深患其暴爲具
船舶令之疾東諸軍乃渡破士佛路峽入亞細亞進至庇地尼糧
食不繼疾疫大行死者相枕藉土耳其蘇爾且索利曼乘虛襲擊
破之瓦爾得戰死彼得率殘兵三千遁還君士坦丁

歐洲君長騎士等得敗報毫無沮喪色益欲出大軍以勦滅異教
徒魯達林拿侯額弗黎其弟巴多尹法蘭西王弟威爾滿代侯武

聖十字

額英吉利王子諾爾曼的侯羅伯發蘭德侯羅伯紫羅塞侯雷門
答連的侯破希蒙其從子丹克勒等皆受撰將其軍全歐騎士軍
卒令屬其麾下水陸並進向君士坦丁是為第一次十字軍武額
志氣雄邁敵人最畏之先諸將入希臘諸軍繼至希臘境者六十
一萬人希臘帝本欲假西國數千兵以張己威見大軍至大驚恐
其不利於己拘繫武額不許其經過希臘及額弗黎至君士坦丁
令武額立約服從希臘乃縱之一千九十七年十字軍入亞細亞
圍土耳其首都尼塞亞諾爾曼的侯羅伯及彼得亦來會兵凡六
十萬築壘于山上與蘇爾且索利曼兵相持遂大戰土軍敗退閱
六月城兵開門而降諸軍進破敵兵於多里勞取伊哥紐既而糧
食告乏加以酷熱土人出輕兵掩擊殺數千人諸軍氣沮彼得亦

出走途為丹克勒所捕彼得大慙土人又放間諜諸將憂之破希
蒙設一計當晚餐殺間者二名炙之宣言曰凡敵間皆炙食之於
是間諜絕迹而東方諸國皆以耶蘇教徒為食人者時巴多尹以
別軍攻耶得撒取之建侯國又拔瀕海諸邑一千九十八年十字
軍合力攻安提阿安提阿瀕海大都府也一日敵騎來侵額弗黎
邀之所為兩斷半身墜地半身馬上而走觀者壯之攻戰九月
城兵有叛降者遂陷十字軍入城恣殘殺城中民死者一萬老稚
婦女亦無能免破希蒙以安提阿為侯國撰騎士勇取者守之會
土耳其將哥勃伽以四十萬衆來圍城中水糧全盡剝樹皮食之
發墓噉人屍敵兵攻擊益急衆或乘夜遁或投土耳其陣誓棄耶
蘇教城兵皆在死地有一卒創造十字槍挺進突敵陣披靡諸

軍傲之奮勇，斫敵營大破之，獲糧食器械，無算進取的里波利西頓、推羅等地。一千九十九年六月一日，諸軍達燕毛高處，翼早遙望耶路撒冷，歡聲如湧，連呼曰：「耶路撒冷，耶路撒冷，或有流涕者，乃跪拜地上，以口吸地，曰：『救世主所遊之處也。』」或脫鞋而行。六日始達耶路撒冷。先是厄日多，蘇爾且取耶路撒冷，以重兵守之。十字軍攻圍月餘，屢戰屢敗。城兵偵知其汲山間泉水出要擊之時，方盛夏汲水被擊殺者甚衆，涓涓泉水變為赤濁水。居一月，作一攻具，方形檣三層，高於城壁七墨多爾，中藏精兵，上設飛梯，四周以獸皮裹之。下施車輪，薄城架飛梯，既成。七月十四日，諸軍齊進攻城，勢如猛獅。沙蘭生人投巨木石，盛硫黃於壺中，点火擲之，或灌熱油於十字軍頭上，更以火箭燒攻具，薄暮十字軍力盡遂退。

翼日再鼓勇而進，血戰七次，十字軍大敗，志氣沮喪。有一騎兵立橄欖山上，鎧甲矛戟燦爛耀日，下山奮然向城，諸軍以為天使奮從。其後逼城放火箭，會北風起，煙焰漲城，城兵薰咽不能進戰。額弗黎在攻檣上下飛梯架城壘，躍下先登，諸軍從之。沙蘭生一萬人逃，一堂諸軍環攻盡屠殺之，鮮血溢堂，沿塔而流。諸軍進到猶太廟，猶太人避兵者滿堂，諸軍放火與婦兒盡焚死。諸軍既勝，分隊搶掠市中，殺人如麻。雖赤子不免時。額弗黎勇冠諸軍，諸軍議以額弗黎為耶路撒冷王。額弗黎辭曰：「是救世主代衆生捨身軀之地也，吾儕豈可在此稱王號哉？」諸軍因奉耶路撒冷公位號。額弗黎猶謙讓不受，唯稱神陵守護，以總管事務。是役耶蘇教民死者八十五万人云。

神陵守護

額弗黎新建耶路撒冷國境土褊小額兵寡少是歲厄日多回教人來侵邀擊破之明年額弗黎卒弟巴多尹讓耶得撒於其從子入耶路撒冷繼額弗黎後始稱王十字軍法蘭西人居多故耶蘇教徒稱法蘭西為西國耶路撒冷為東國又倣西國藉土之法以耶路撒冷王為大藉君耶得撒安提阿的里波利等諸侯皆奉其命以耶路撒冷師父為教大長選巴倫四人為庶民長巴倫者下等貴族之爵也

巴多尹第一

巴多尹第一與厄日多人色爾舒人日尋干戈取亞格列多利買伯喇多西頓等地以擴其疆域卒巴多尹第二立國內稍歸無事卒巴多尹第三立

巴多尹第三弱齡即位西里亞美索波太米亞兩國酋耶馬的勿

第二次十字軍

乘虛攻耶得撒取之歐羅巴人聞之哄然噪變法國加萊爾諸教大長伯爾拿節儉修行常喫麪包胡桃及木葉等顏色青黃身體羸瘦而志氣益壯為眾所推服至是說法人及日耳曼人以討耶馬的勿日耳曼帝剛拉德第三法蘭西王路易第七納其說決意起兵是為第二次十字軍一千一百四十七年日耳曼帝將十字軍抵君士坦丁分軍為二本隊自陸別隊沿海而進希臘鄉導失路入非里地之荒野天氣燄熱如烘水糧匱竭兵士大窘敵輕騎來襲大肆殺戮別隊亦為敵所掩擊死傷甚多法蘭西軍繼入亞細亞亦敗於是兩王議自別路進入巴勒斯坦與巴多尹第三合兵攻大馬士革軍中有陰通敵者說兩王攻城東面兩王從之進戰不利引兵而還

額伊烏耶路撒冷王

耶路撒冷國

猶太人散之四方

自兩王取敗敵勢益熾壓迫耶蘇教徒耶路撒冷國日瀕危亡耶馬的甸子努勒勿薩拉丁二人勇猛絕倫薩拉丁初為努勒勿旗下將一千一百七十年逐法智米族大教師取厄日多創建耶入庇的國及努勒勿死遂併西里亞自稱蘇爾且一千一百八十年盧西南人額伊烏耶路撒冷王位是時帑藏空竭民心離散因與薩拉丁約和以紓其禍國中大族強王與之絕一千一百八十七年王與薩拉丁戰於亞格列之東大敗為擒國亡耶路撒冷自建國至此八十八年爾後十字軍繼起者四次殺人至二百万戰方息

羅馬滅猶太猶太人散之四方及土耳其取耶路撒冷亦多遁去者而西土各國有猶太人以數十萬計其苗裔至今猶奉猶太舊教稱猶太族與別族不相混男子勤於生業能貨殖累巨万女人姿姣好而性靈慧與別部迥異但以其一逆耶蘇故諸國惡之殊甚以為千古之罪人亦可以見世態也耶路撒冷今漸復舊然比耶蘇時其不及遠矣

亞西之歷史

論曰巴勒斯坦為古文明之區支那人以為泰西之岐豐固不誣已亞伯拉罕摩西大闢諸賢後先相望至於耶蘇稱集大成譬猶孔子之於堯舜禹湯文武而其民受禍最慘者何也耶蘇殺身志在救世則是一死足矣而教徒不察攻其異己者不斃不止豈非耶蘇之罪人哉噫

腓尼基記

腓尼基一名非尼西與猶太對峙傍地中海所謂迦南之域是也

航海貿易之始

迦南者罕之第四子，迦南住此，故名焉。迦南嘗記挪亞避洪水，屢語諸子云：其地長十餘里，廣可三里，以黎巴嫩、安底黎、巴嫩二山，界隣國極，褊小多石，不便耕牧。上古以捕魚為業，後製船舶常事。海賊卒興，貿易之業於是各國始有歲市。每歲大祭祀時，諸國人民羣聚貿易。非尼西人居多，非尼西人巧于操舟之術，採黎巴嫩山之柏樹香木，製造長圓二船，長舶其尾尖銳，往來迅疾，可以充戰鬪之用。圓舶其底匾平，多載貨物，可以充運輸之用。常以二舶航地中海，晝望大陽，夜候星宿，又指星中光輝燦爛不變者，定為某國在某星之位，開帆向其方位而行。陰雲四合，不見星光，則泊港灣諸處，以待晴霽。當時未有羅盤，羅盤始於一千一百年，十字軍之役得諸沙蘭生人。云非尼西人又嘗創製紫色凍

知有文字

料玻璃諸物，世有文字，亦始于非尼西人。

開迦太基

取西班牙

非尼西人初與亞細亞諸國貿易，常以駱駝運輸，輜重嗣後貿易四方。其民遷居者漸多，隸屬本國，聽其政令。如居北路，克勒達耶奇諸島、小亞細亞、希臘海濱諸地，皆係非尼西人所拓。其人率以海賊為業，及希臘興，抵亞非理，駕北岸貿易。紀元前一千二百年間，遂開迦太基，尋作烏地加亞多墨坦諸邑。迦太基後為大國，又開西齊里撒丁諸地，取西班牙，獲金銀。西班牙本名伊伯利，其地多石鼠，狂跳崩壞人家，故改名曰西班牙。蓋石鼠國之義也。是時世人以黑拉格爾天柱為地球極西，而未有航壓瀾的洋者。非尼西人始航天柱外北進，索貿易場，遂擅其利。嘗航天柱北海，水粘滑如膠，葭菼矗立，梗船會羅馬。船來逐，兩船並膠沙洲羅馬。

巡好望角一
周亞非理駕

船溺沒非尼西船厘免還西班牙自是後屢航比利敦諸島普魯西東岸又應厄日多王尼哥之招巡好望角丁周亞非理駕技藝精妙聲名大顯

推羅富盛

非尼西政體未詳蓋西頓推羅諸邑各有君長行自主之政會同盟約互相保存王以賽亞預言未來最有名希蘭助瑣羅門營造上帝之廟非尼西諸邑唯西頓最古推羅次之推羅尤富盛海口帆檣林立街上車輪輾轉工場鎚聲相應當時無與京者紀元前六百年即神武天皇六十年後巴比倫王尼布甲得尼撒攻推羅十三年遂拔之城空不獲一物推羅人悉眾移海島新築都城名曰新推羅閱三百年貿易隆盛不異昔日及馬基頓王亞歷山德攻之都人拒戰甚力王築大土塘感之城遂陷怒其倔強斬七千人刑二千人賣三萬人為奴於是名城華屋盡頽圯唯存瓦礫後歸西里亞版圖

言其繁華甲於各國

初非尼西人航海貿易無論遠近唯恐外邦人或知之以令其利隱不敢告勉勵事業孜孜毋怠後漸與諸國親睦有所發明則傳之他國他國人所創製者隨即做之以便治生故在當時文化夙開富庶繁華甲於各國文字數學天文諸術皆係此國創開傳播諸國至今賴之

國人得享

論曰非尼西土地褊小殆不為國而能自強擅威海上豈非其饒體勞心之效乎其原出於土壤確確不能為生然亦由其國人得逞才智或評其政體為君主專治君主專治或有致如此者要不能久也則其評亦不足信矣

西里亞記

西里亞與巴勒斯坦接壤其民與猶太爭戰自大關時幾無虛歲至馬基頓王亞歷山德遂被攻并亞歷山德卒其將塞留孤據此紀元前三百十二年塞留孤始建國紀年稱塞留孤紀元實孝安天皇八十一年也其疆域東及印度河西至地中海縱橫數百千里儼然為望國塞留孤卒國勢頓衰別伽摩巴爾的二國叛自立爾後唯安提阿固第三及第四二王頗著名安提阿固第三發兵攻厄日多取其屬地晚年與羅馬戰敗績約償兵費因掠耶利馬神廟寶物為人所殺安提阿固第四性誇大嘗起兵擊厄日多為羅馬所制憤甚又聞猶太人殺其弟雅孫將兵入猶太毀壞神廟殘破都府遂發狂而死其後諸王皆驕淫紀綱紊亂屢與猶太祭司戰篡奪相踵民不堪命至末世請亞爾美泥王智格拉尼統治其國十四年智格拉尼出兵援其舅奔多王兒的里達提抗羅馬大敗土壤盡入羅馬國亡

西里亞

西里亞首府曰安提阿最為顯著教師路加生此彼得保羅亦嘗住此耶蘇門徒皆發迹于此又有一都府曰大馬色華在耶路撒冷北六七十里蓋亞伯拉罕以來既為著名保羅嘗在此鹹悔棄其教從耶蘇云府人昔製名劍利器後世失傳又織成華美絹帛達脫莫耳府瑣羅門所設互市之地廣五六七里至今尚存遺址見其柱礎所畫可以徵當時之盛大馬色華西北十餘里有拔爾伯格府古址其地在耶蘇弟子之時最顯今僅存一千許人口論曰西里亞歷代事蹟無足道者顧其奄有廣土統理衆民以傳

得
聖
教

于數世則亦必有說焉塞留孤紀元之名垂於後世可以想見其
盛時也視之厄日多多利買則為有慙色比後馬基頓則亦有間
矣若夫都邑安提阿拔爾伯格諸處因教徒得名適足徵其世變
孰謂之文明之效乎

亞刺伯記

亞刺伯在巴勒斯坦之南印度海之濱東連波斯灣西枕紅海其
內地自古有游牧之民逐水草轉徙無常栖止帳幕而瀕海諸邑
與印度波斯厄日多諸國貿易其人自稱亞伯拉罕子以實馬利
後裔以實馬利嘗曰吾手是各人之敵不許各人握之吾亦不敢
握各人之手及後世亞刺伯人於別國人猶敵讐不相容其言果
驗亞刺伯一邑曰麥加有大寺觀曰賈巴中藏一黑石亞刺伯人

聖
石

摩
默
出

崇之曰上帝使神抵亞當許神化為石初純白色罪人觸之變黑
國中靡不詣拜其教法大抵崇奉星辰間有奉猶太耶穌二教者
風俗儉樸勇悍常好駕軼人一毫受辱必報復之然亦厚私交能
赴人急難古代之史不可得而稽及摩哈默出其民始顯

摩哈默父曰亞伯達母曰亞琳那家世稱哥來為國內望族摩哈
默以紀元五百七十一年生於麥加幼喪父母為叔父亞彭達勒
所養及長體貌雄麗風采秀朗眼茶褐色爛爛射人言語溫和與
人交真摯寬厚年二十五在沙漠中牧駱駝作賈西國事富家寡
婦加雅慈得其歡心終配為夫然不深留心於商事以熟察人情
鍊磨精神為務不學而能著書欲折衷摩西耶穌及本國三教創
一教法以誘斯民年四十竊出家潛匿山岵洞窟之中潛神澄心

摩哈默唱回教

默想道理，數歲觀萬物形象窮極其理，著教書曰：可蘭其教曰：伊
 斯蘭。伊斯蘭從服之義，言人宜從服神命也。六百十五年，摩哈默
 年四十五，始唱其說曰：上帝欲弘斯道，降余于人間。可蘭所載教
 誠，是天使迦布理授余者也。迦布理自天上至，謂余為先知人上
 帝所鍾愛，余與迦布理同駕驢馬昇天。又曰：天地間唯一上帝
 耳，余是上帝所命先覺者也。摩西、基督皆上帝使者也。上帝命余
 改革世界教法，唯可蘭教誠之從，即上帝之意也。凡人之運命皆
 上帝所定，前額有表識，不能以人智變之。人死則再生，他世受此
 世所行善惡之報。其教專主慈愛、正直、分家財十分之一，施與窮
 民。日向麥加行拜者五次，禁食猪肉、葡萄時，行斷食法，使人終身
 一回必去。賽賈巴神迹有故，使人代往。

摩哈默一家信新教

摩哈默之唱新教也，其一家皆贊成之。傑出者數人曰：加雅巷曰
 阿厘、阿厘、摩哈默從子也。曰：亞彪庇結、摩哈默後妻愛沙父也。曰
 舍特、摩哈默僕也。曰：吃拉加、加知惹從子也。其他信從者日眾，國
 人漸憎嫉之。同族哥來之徒共謀殺之，摩哈默乘夜遁，與亞彪庇
 結匿一洞中三日，遂入弱勒乃，改稱弱勒乃。麥地拿先覺居
 處之義也。又稱其遁逃曰：希實拉先覺避禍之義也。遂以是歲定
 為回教元年。實紀元六百二十二年，即推古天皇三十年也。於是
 摩哈默說麥地拿民曰：上帝命余藉劍戟之威，以弘教法。劍戟者
 天門之鑰匙也。為上帝濺血一滴，及執兵器一晝夜者，其功德勝
 于斷食二月。拜禮二月。至天上審判時，則瘡痍之光如紅寶石，其
 香如乳香，戰死者再生天堂，為侯伯，棲息遊館，四時如春，顏色美

回教元年

摩哈默子定
亞刺伯即王位

嚴至老不衰處女七十二人侍左右奴隸七萬人供使令麥地拿民多信之者會哥來族長亞彪索非安率隊商自西里亞歸摩哈默與其徒逆擊破之是為摩哈默初戰明年亞彪索非安以兵一萬圍麥地拿不克尋摩哈默攻麥加哥來族擊破之後講和許摩哈默賽其本國寺觀六百二十八年和議破摩哈默攻麥加取之自是每戰皆勝遂平定亞刺伯全土及西里亞猶太人起兵抗摩哈默不克摩哈默入其城命具食有一少女烹羊肩和毒進之摩哈默食之全身疼痛幸得不死於是下令全國毀壞偶像曰拜偶像者斬遂備儀仗即大教師位儼然王者也王發怒則眉間血管膨脹變為黑色門徒戰慄莫敢仰視威權日盛民歸其教者益眾最後賽賈巴門徒從者十四萬人摩哈默度其宿志可達六百三

阿馬取西里亞

十一年服毒而死年六十二精神凝定快然而逝歛以鐵櫃葬于麥地拿寺觀回教徒每歲詣麥地拿麥加兩邑禮拜南洋西域泰西亞非理駕近者數百里遠者數千里接踵膜拜常以萬計亞刺伯奉摩哈默教者曰沙蘭生摩哈默既卒沙蘭生人相議推亞彪庇結為大教師大教師親擊亞刺伯叛民平之又命其將加勒侵波斯取其一部加勒勇武絕倫亞刺伯人呼為劍神又有大將亞彪阿薛達率兵入西里亞擊東羅馬帝希臘古留軍破之進攻太馬色華拔之大教師既衰老欲傳位阿馬阿馬曰吾不願為大教師大教師不聽曰大教師之位望汝久矣汝其勿辭六百三十四年阿馬繼亞彪庇結為大教師起兵擊西里亞希路波利耶路撒冷安提阿亞勒波亞諸邑漸歸其管大教師以取耶蘇廟墓

為已功欲示威於土人跨赤駱駝巡行街衢身服布衣左懸布袋盛穀與椰子右懸革囊盛飲三物皆大教師平常所食儉素之風可想越四年西里亞全地盡為回部

阿馬使波斯

波斯王哥士儂死後其國無復英主為雄州郡大吏割據政教廢壞國勢日衰六百三十五年阿馬發兵侵波斯自是兩國兵結不解數年波斯兵屢敗衄六百四十二年沙蘭生兵渡低格里河攻的西豐取之殺波斯三萬人波斯王葉得揭爾出奔土耳其其後王獲回國圖恢復六百五十二年國人叛殺王由是全國盡聽沙蘭生政令波斯舊奉馬日教至是其教全亡

阿馬使厄日多

六百四十年大教師命將諸路引兵擊厄日多厄日多人久厭東羅馬之政見回教兵至無敢拒戰者唯亞歷山德一府固守不下攻圍十四月始陷府內邸館浴室各四千遊觀場四百市廛一萬二千猶太四萬人來住尤稱繁華富盛有大書庫藏數十万卷或請保存大教師曰此書與可蘭同其旨則是無用長物存之無益若與可蘭異則是有害之尤不如不存乃火之

阿多曼為大教師

阿厘為大教師

六百四十四年阿馬在麥地拿教院為波斯拜火教徒所刺而死阿多曼為大教師出兵亞非理駕取其北境瀕海諸地阿多曼族黨誇其功蔑視國人國人惡之初阿厘娶摩哈默女法知麻執教權及摩哈默卒當嗣立而寡婦愛沙固執不可愛沙性黠人疑其殺摩哈默嘗舉兵與阿厘戰縛籃箱於駝背身坐其中使一卒馭之不適己意即殺之至殺七十餘人阿厘擊克之摩哈默弟子盡降至是教徒作亂殺阿多曼立阿厘為大教師新教流傳益廣威

行弟子之國

摩亞維約我
阿厘

阿厘既立國人多疑阿多曼死出于阿厘意翁米亞族摩亞維約謀乘國人疑阿厘殺而代之厄日多副教師亞門亦與焉摩亞維約據太馬色華自稱大教師率教徒擊阿厘阿厘發兵邀戰兩軍死傷甚多勝負不決因約和止戰既而有一黨據麥加寺觀起矢誓曰除國害救民患謀先殺阿厘摩亞維約亞門三人阿厘遂為其所殺摩亞維約亞門二人出走得免

阿厘見殺

摩亞維約我
大教師

摩亞維約我
君士坦一敗

六百六十一年摩亞維約即大教師位定為子孫世襲嘗出水陸軍圍君士坦丁七年城中有利利尼孤煉和石腦油松香硫黃作一火藥盛諸壺中以投敵船名曰希臘火火勢猛烈入水弗滅燒沙蘭生兵船殆盡沙蘭生人大懼乞和約納歲貢而還

大教師耶昔

大教師亞伯
爾瑪立

六百八十年耶昔為大教師三年卒爾後稱大教師者三人起兵爭雄白骨成堆六百九十二年亞伯亞爾瑪立為大教師擊滅羣雄統轄全國會亞非理駕屬地起兵叛亞爾瑪立命其大將木報擊而降之進踰亞太臘山盡取之其西界至壓瀾的洋

大教師物立
第一

四教大將活
亞爾瑪立班
牙克之蓋取
其地

亞爾瑪立卒物立第一為大教師沙蘭生人已極亞理非駕西陲更欲渡海略西班牙西班牙為西戎特所據兵扼鳩峇海峽沙蘭生人攻之不克後戎特將岡的入里拿叛投其營壘於沙蘭生人誘之攻戎特尋戎特大族魯得力廢其王回剔牙奪位沙蘭生人入西班牙勢頗張七百十一年大將活立甫與戎特大戰于安達羅西之熱勒士戎特兵敗績魯得力溺死于瓜達幾微河於是沙蘭生人盡取西班牙其疆域自地中海至比利牛斯山戎特亡後

其王族伯拉日疴與其徒遁於亞斯都里山立基督教國

七百十四年沙立曼為大教師越三年召集回教各國水陸兩軍

攻東羅馬圍其都城卒阿馬第二立四年遭殺耶昔第二立欲踰

比利牛斯山威伏全歐七百三十二年大舉而北法蘭哥老沙爾

馬爾的邊戰遂為其所擊破事見法蘭西國史

七百四十二年華里德第二為大教師亞細亞地震壞城五百明

年耶昔第三嗣立卒麥爾縮繼之翁米亞族大教師自摩亞維約

都大馬色革至此九十年怠情縱逸國人不服阿厘後裔法知米

的族篤信教法勤勉不怠衆推高德摩哈默叔亞巴士後裔招聚

黨與欲奪大教師位三黨各異服色亞巴士黨服黑法知米的黨

服綠翁米亞黨服白七百五十年亞巴士亞爾撒法與麥爾縮戰

破之亞巴士族振威於沙蘭生東城翁米亞族亞伯耶拉漫單身

出奔西班牙自立為大教師以哥多瓦為首都傳二百餘年亞巴

士族立大教師國於依格里河畔曰帕古達七百五十三年阿力

曼嗣大教師位自是回教國分為三一西班牙為翁米亞所治一

亞細亞為亞巴士所治一亞非理駕為豆立志所治

七百七十四年阿力曼卒子馬哈日立伐東羅馬敗之徵其貢金

越四年卒子馬沙拉日立明年為人所害哈倫亞拉伯立有雄略

國勢漸強大西自大西洋東至印度江南自地中海北至阿蘭海

始建伊德魯朝安輯國人止戰鬪整法度通貿易興測量醫術星

象分析工作詩歌諸學科文明日開至孫哈倫亞拉什立以文武

才幹著名講習希臘羅馬文學文物之盛冠絕東方其學術大行

大教師沙立

大教師耶昔

耶昔第二

耶昔第三

大教師華里

大教師麥爾

大教師翁米

亞巴士族

大教師阿力

大教師哈倫

大教師亞拉

於歐洲而文弱奢侈之弊亦源於此至於州牧擅權借亂相尋大教師威權遂衰

大教師亞馬

哈倫亞拉什卒諸子爭位內訌紛起及季子亞馬門逐兄自立亂始定大興文學建書院於各郡招才藝智巧之士勸獎藝學起兵侵希臘取西齊里克勒達八百三十三年亞馬門食麥大飽病卒弟馬太生立以土耳其人五萬為親衛兵衛兵漸擅威權其將耶米亞温拉逼大教師宮裁斷百事不異法蘭哥家宰八百三十六年遷都新地令馬隊十三萬人各運泥一囊頃刻築成宮址馬太生卒子哈倫昔華立卒弟馬力華格立與羅馬為仇令回民束皮帶以別之八百六十一年為其子所殺國人立麥司丁為大教師親衛兵不悅越五年殺麥司丁立馬達司八百六十九年親衛兵

大教師馬太

馬愛希世執國柄

又弒馬達司立馬太狄明年又弒之立馬太米德西里亞叛九百一年麥大非為大教師越七年親衛兵廢其位尋立之二年又廢其位尋又立之九百十八年終廢之九百三十三年國人立開侯為大教師親衛兵廢之以阿刺狄代之九年卒馬太兀立國勢日替四方離叛四年卒麥司現非立二年馬愛希廢之推馬日掌政務自是馬愛希世執國柄攻土耳其軍士克之九百六十一年與羅馬戰兵連十一年卒太意立卒敦開豆立卒開茵立一千六十年土耳其人達路别克來伐與之立約以女妻之卒馬帖日立卒馬司太周立遭弒拉希德立又遭弒馬太非立一千一百四十七年法蘭西日耳曼兩王來攻巴勒斯坦擊退之卒馬司但周立卒尼收立一千一百八十六年薩拉丁為厄日多亞刺伯西里亞

三國王伐耶路撒冷克之國勢頗振國人亞達拉的講醫學天算著書一百六十種一千二百二十年尼收與巴勒斯坦於各國乞和尼收卒太源立卒馬司但敏立蒙古攻沙蘭生土耳其人取耶路撒冷逐沙蘭生人

大教師馬司
連生發時自
尊

一千二百四十三年馬司達生嗣立矜誇自尊每出蒙金線布假面謂臣民卑賤不足面之一千二百五十八年蒙古鐵木真兵攻帕古達取之捕馬司達生剝其假面裹以革囊牽行街衢腰斬之大掠七日燬其都城沙蘭生國亡大教師在帕古達統御四方傳六百二十年國人呼之曰加利福猶言王也當時都城人口二百万大厦高甍連互府內至今尚存遺迹

沙蘭生國亡

論曰摩哈默生于釋迦耶蘇之後折衷其教自稱天使莊惑斯民

耶蘇而後點
者

亞細亞西南諸國靡然從之貴為王者富有廣土廟祀千載不絕是耶蘇而狡黠者而孔子之所不容也然其後世君師往往勵精為政大敷文教有足觀者比之東羅馬土耳其波斯諸國則非同日之論也豈非以其貽謀之善乎唯其為道既異于孔子又非窮理之學故諸國民奉其教者至今益愚不悛也可勝嘆哉

亞細亞諸國記

高麗沿革

高麗又名朝鮮古為我屬國史載甚詳今不贅焉西史稱與滿洲遼東接壤突出海中成半島形與日本對馬島南北相對其民本出於韃靼傳世已久而其史籍皆藏諸秘府非至王室滅亡不敢公之於世故語其國沿革不過據支那日本所傳之書紀元一百年間始有高麗名當時三國鼎峙西曰百濟南曰新羅東即高麗

李直致高

也七百年間新羅勢力最強不受支那羈軛與日本立約修好一千一百年間高麗王王健得蒙古援併三國為一經三百年國內無事一千三百九十二年李且藉明兵攻取高麗遂屬明奉其正朔是為今王家之始祖李且嘗欲取對馬島與日本構兵不得志會日本出英傑豐臣秀吉遣兵擊高麗高麗連敗失其土三分之二明出兵來援亦大敗國殆亡既而秀吉死日本與之立約使聘往來一千六百三十六年清人滅明高麗出兵救明不克清兵迫其京城乃請和約獻方物自是國王廢立必請清帝准可上書稱臣一千六百五十年高麗納其女於清為妃因減貢米九千苞高麗人常恐與隣國開釁不與外人通交修好國王威權無限盤樂怠傲王宮婦女閭豎羣聚為淫褻場人民蠹野奴隸自甘絕無興

產教耶穌

業之志貴族各分黨派互相擠排以吮民血肥身家為務上下皆奉孔子教有佛教不甚旺間有耶穌教徒來宣教者政府惡之殊甚一千八百六十年英法兩國兵陷支那北京高麗人聞之大懼移老稚婦女及重器于外大徵兵丁市民往往挂十字形於胸表其為耶穌教徒以媚西人一千六百六十六年俄羅斯兵船抵高麗北濱請通商及徙住其地先是俄人與支那立約得韃靼地方與高麗咸鏡道接壤僅隔一水至是終有此請高麗人大驚有信耶穌者上書托教師藉英法力以防之會俄艦去乃止國人大咎教師捕九人下獄後曳出使之跪地以冷水灑面塗石炭粉削手六人提刀環走漸近其旁逐次下刀及三次刺之遂殺五人其四人脫走僅免後又火米國船擱平安海岸者盡殺其人米人遺殘

法人公使

虐者數回、大憤怒、一千八百六十六年九月、法國水師提督路日、率兵船三隻、自江華灣進、抵京城近旁、砲擊沈二船、毀一砲臺、而去、十月、更率七隻船、抵江華、進陷其城、獲兵器書籍、及錠銀十、九万七千、福蘭格、市民遁匿、不敢抗、高麗人募獵虎手八百人、據、島中堂塔、法人一百六十乘、夜襲之、不克傷、三十餘人、遂棄之、去、一千八百七十一年六月、米國水師提督路日耳士、率二隻船、抵、江華、嶋、陷砲臺三座、虜數人、高麗官吏請見提督、乃約交換俘虜、謂之曰、不得再使此輩仇我、高麗人曰、唯君所欲、為此輩假得釋、還將加嚴刑、提督度其頑、不可諭、曰、再舉大兵、取京城耳、乃去、高麗人以為我力強於西人、大逞虛威、殺其民、奉耶蘇教者數千人、一千八百七十一年及二年、國中、大饑、政府不許人民糴米于支

米人公使

那、日本坐視其死、不敢救、一千八百七十五年、日本兵船測量高麗西岸、國人砲擊不克、明年講和、班修好條規、國人多不服者、巷議紛然、

安南沿革

安南古曰交趾、在支那之南、壤地相接、自西曆紀元前二百年、至紀元後七百年、代常隸支那版圖、一千年代、初列外藩、一千六百年代、初有莫登庸者起兵、叛王黎維禔、走保清華、順化、四府、至孫黎維潭、與其臣鄭某、阮某、謀伐莫、復國、自是阮鄭二氏、世為左右、相後、鄭氏乘阮死、孤幼、出之于順化、使王居廣南、而自專國事、自是阮鄭世相仇、至鄭棟、益專橫、將篡國、而惡廣南之強、誘其土首阮岳、阮惠、攻滅之、及鄭棟死、阮惠又起、廣南兵攻滅鄭氏代之、專國政、盡取王都珍寶、歸廣南、命其將阮仕、率兵數万、攻東京、王

阮光平為安南國王

阮福映為越安國王

大制歐西洋衣冠仍舊

暹羅沿革

黎維祚遣使訴清時一千七百八十八年也明年清出師討阮惠
 惠敗走黎維祚復投清惠改名光平謝罪于清乞降明年清帝詔
 封阮光平安南國王越二年卒子阮光纘襲封初黎氏世王廣南
 以順化海港為門戶與占城暹羅接壤阮光平既以兵力篡國國
 用虛耗乃遣烏艚船百餘總兵官十二以采辦軍餉為名多招清
 海盜為鄉導寇閩粵江浙清國騷然各省奏擒海賊有安南兵將
 及總兵封爵等印清移咨安南尚不謂阮氏預知也暹羅既與廣
 南積怨會黎氏甥阮福映乞師合力克復西都并縛海賊莫扶觀
 等獻諸清清人始知阮氏父子藏奸誣盜之罪是為一千七百九
 十九年事及阮福映復破東京為先世黎氏復仇請于清廷以越
 南名國清帝詔封越安國王自是福映子孫世襲有光中王幼冲

被難與遺臣遁於海鳴遷法蘭西教師投契共興兵滅仇復國
 慕西洋兵法遂倣其式造兵船火器訓練士卒唯衣冠仍唐宋制
 遠邇稱之王卒國勢再衰一千八百六十五年與法人構釁法人
 與西班牙人合兵來寇陷數城遂請和罷兵其國取士之法設鄉
 會試用漢文詩賦士大夫皆好吟詠即不能工亦喜為之國法大
 禁服鴉片清人豔稱所奉之教儒釋不一
 暹羅在安南之西與緬甸接壤上古沿革不詳西曆一千三百五
 十一年索摸鐵的扶拉馬太保達第一即位子孫相承二十世歷
 二百五十一年是為第一朝一千六百三年扶拉約索恩丹代立
 傳子孫歷二十八年人心離散王為其下所廢是為第二朝一千
 六百三十一年扶拉約扶拉摩即位傳四世為兇徒所弒尋第三

暹羅人摸擬
歐風

世子復位傳九世歷一百三十八年是為第三朝一千七百六十
 七年為緬甸所滅支那人達格沁率兵伐緬甸回復國都為眾所
 推立為王定都盤格一千七百八十二年其將法馬臘查扶拉達
 約德富即位是為今王家之始經三世至今王倫古倫格爾德命
 古倫格爾德以一千八百六十八年即位為人英敏勉勵國事宮
 室衣食往往摸擬歐風宮中設學校聘米人教育王族男女各種
 事務亦多聘歐米人任之暹羅人摸造西式船舶在一千八百三
 十五年至今有小軍艦數隻帆船頗多其與各國通交始于一千
 八百二十二年與英國印度商會立約嗣後各國漸至置領事官
 一千八百五十七年遣使于英國六十一年于法國七十一年王
 駕小兵船巡視新嘉坡諸處遣貴族少年于歐羅巴留學王再巡

視東印度諸地翌年歸國七十二年聘英人測驗金礦七十四年
 遣使印度約互市正疆域七十五年王與第二王有隙第二王投
 英國領事館英人居間調停事乃平初第一朝王立其弟為第二
 王至於今朝亦倣之不得君臨一國而其權視王僅降一等屢論
 事不止云按一書所記一千四百年間暹羅人朝明明帝賜印文
 始稱暹羅後屢進貢于明當時法人侵擾不克一千六百年代末
 日本豐臣秀吉破朝鮮暹羅人上書明帝請出兵濟擣日本明人
 不聽爾後干戈相繼專事屠戮緬甸乘隙攻擊國人不支議和八
 百年初有哥羅焉甲者立兵革漸斂國事乃定緬甸不貢于清
 清人約暹羅夾攻之緬人聽命尋安南阮光平父子篡黎氏寇清沿
 海暹羅助黎滅阮獻俘于清清人賞其功目為純臣暹羅政體君

主獨制王臨外朝端坐威儀甚尊百官偏祖跪足屈膝盡禮敬凡
 國人謁王必合掌拜跪撫王足者三自撫其首者三謂之頂禮稱
 謂以金為尊王多蓄妃妾王子弟年十七八以上皆奉文武職受
 廩俸國人風俗勁悍習水戰不置常備兵每歲徵集男丁二十一
 歲以上者充兵役每四月交代警衛王城兵凡三千國有軍旅則
 取民為兵兵人各自備糗糧踰月後王家給之國人有名無姓選
 舉由鄉撰大庫司以文達於王所王定期試之咨以民事應對當
 理乃賜章服授官考課以三年為期文字皆旁行頗重漢字有能
 詩文者國王禮之給以盛饌全國民奴隸自甘為王族貴紳所驅
 役怠惰不治家好博奕耽酒嗜音亦有喫鴉片者舊禁飲酒博奕
 度其不可制乃廢之課重稅終至於市有博奕場日中羣聚投骰
 弄牌全國民口稱六百万其一百五十万係支那人種頗勤勉農
 商之權皆歸其握云

緬甸

緬甸在暹羅之西與印度隣接國王歷代相續政由自主官不世
 祿初為緬甸阿臘干北古三國各相爭奪緬甸受害尤重西曆一
 千六百年緬甸人與兵攻服北古六百九十六年北古藉荷蘭兵攻
 緬甸屢戰屢勝抵其首都阿瓦禽王底布里緬甸全土歸北古有
 未幾緬甸人招集土兵恢復阿瓦自立為王盡收舊地遂出師攻滅
 北古及山巴領嗣位北古復叛山巴領出征勝之遂乘勝取暹羅
 後為暹羅所破僅存麻六甲以西沿海數地山巴領卒其弟四底
 臘疑勃老嗣又併阿臘干為一國更取加渣爾加色等兵威頗振
 麻六甲與孟加拉接壤先是英人征服印度置商會統制其土守

英人攻緬甸

兵十萬，俸金及衣食皆使土酋供給之。威權日盛，一千八百十六年，取恒河以北印度一億六千萬之民，盡受英人駕馭。英人不為足將，取孟加拉灣一千八百二十六年，遂以印度兵一萬攻緬甸。緬人恃其習戰，蔑視英人，王親率兵邀之。英以兵船入內港，緬人鏖戰，為砲火所轟，緬軍紀律不嚴，進銳退速，是以大敗。而英軍亦不習水土，地險糧艱，瘴癘毒人，難以深入。因欲退師，反聲言直取阿瓦長驅而進，緬軍氣沮。國內諸城望風而降，卑辭求和。乃以阿臘干麻爾古等地為埔頭，且獻洋銀償兵餉。聽英公使駐劄京城，尚恃堅柵重濠，不敢心服。一千八百五十二年，和破，又與戰，不克。再割南方諸州以和。英人謂之曰：後若不肯修和，則全國必為英有。於是環孟加拉灣沿海各地悉歸英版圖，即北古全土是也。

三國風俗

僧徒威權甚盛

緬甸暹羅安南三國大抵身短，色黑，面扁，體高絕，少姣好，似頑實黠，似情實勇，髮多而黑，拔去鬚髯，望之若婦人。崇奉佛教，為僧者終身不娶。惟暹羅人或為僧，或還俗，皆任其意。僧徒威權甚盛，百司俸給，雖大官歲不過五六百元，而其布施僧徒至一千五百万。元蘭若無舉火者，三國俗男逸女勞，粗重營作悉委于女。貿易亦女為之，謹守禮法，絕無猥褻態。未嫁之貧女有往外人寓所為傭理家務者，皆端嚴不可于以非禮。其喪禮緬甸貴人常備棺柩，俾斂需時，庶人香膏塗屍，火化暹羅以屍飼飛禽。安南人遇喪則慶賀。張燕十二日奢華甲於諸國。

以屍飼飛禽

阿富汗治華

阿富汗在印度之西，本為波斯東境。西曆一千四百年間，蒙古人巴卑爾為其地酋長，蠶食印度諸部，稱王傳子孫，歷二百餘年。

千七百二十三年攻波斯併其地越十七年波斯復興那日爾撒
盡銳東伐滅阿富汗那日爾撒及阿富汗王子亞美沙復故土與
波斯角立一千七百八十九年王塞曼沙為弟馬慕所篡國大亂
者十四年北印度塞哥酋長林日星渡印度河取其數城阿富汗
由是不振是時俄人始欲圖印度英人漸抱危懼一千八百年代
初波斯為俄人所嗾攻阿富汗希拉取之未幾希拉君長俞士富
汗為英人所嗾借容布爾攝政脫期摩哈麥的援與波斯交兵連
戰皆敗波斯兵入其府內英人發孟貝兵援希拉擊波斯波斯遂
退其兵英人常恐印度人生變因欲干預容布爾內政會脫斯摩
哈麥的乘其君沙斯德庸暗篡位自立英將羅得屋蘭傳檄隣邦
起問罪師一千八百四十年二月英兵渡印度河至達巴爾八月

英一萬餘人

降容布爾復沙斯惹位屯其兵於容布爾督察國政阿富汗人欲
脫英人羈制常懷報復之念明年十一月乘英不意襲其營若英
人決死拒戰衆寡不敵終講和然國人素兇暴不肯守約一千八
百四十二年一月襲英人於格爾鐸容德耳山隘殺英將卒四千
及婦女從僕一萬餘人英人罹禍之慘殆為近古所無英政府聞
之大怒拜耶連薄羅為總督發大兵救英人在熱拉跋的者遂火
阿富汗村落剽掠財貨既而摩哈麥的再即王位阿富汗人疾惡
英人殊甚英人遂賄摩哈麥的與之和一千八百六十三年波斯
人謀出兵取希拉與之俄人摩哈麥的借英兵據希拉防之既而
摩哈麥的死其子洒耳阿厘代立子約伯干叛與阿厘戰阿厘遂
陷希拉城英人勸和阿厘以約伯干為希拉鎮將於是內亂全息

然其地常為英俄兩國所朶頤民心恟恟勢日危殆

西伯利亞

西伯利亞在亞細亞之北隸俄羅斯西踰烏拉山連其本部北瀕冰海南界韃靼限以崇山峻嶺東南距滿洲灣環東至凍察架成半島形隔白令峽與亞美理駕相對其幅員與支那匹大於歐羅巴全洲人口三百万俄人居其三分之一氣候極寒迤南猶見草木迤北勾崩鮮莖僅見短松白揚一年中冰雪凝結者九閱月往時蒙古雄飛土人久為其所侵掠至元有漠北藩王嘗探其地欲跨嶺據之不果及俄羅斯國勢漸振始有商舩埃冰解駛至西伯利海岸以洋貨易皮貨日漸狎熟盛誇俄之富強其頭領有挈家至俄者睹俄都之壯麗傾心歸嚮各部競相傳播咸獻土物為藩屬俄建砲臺于烏彌河口據險要以控制之漸徙罪人修道路築城

戍之西伯利西部不費兵力咸為俄有尋復東略建砲臺於東海之隅遂統有西伯利全土隨地形分為八部西部以德波爾斯科及多木斯科兩鎮分轄之東部以耶尼塞斯科及義爾古德斯科兩鎮分轄之生齒漸繁疆宇益廓其東南至與朝鮮接壤與我邦僅隔一帶水多港灣可泊巨艦據形勝扼要害意數百年之後其成何形勢未可預測也

論曰高麗以下諸國皆非甘屈下人者而自古至今未見其能自主者豈其地勢限之乎要亦在人高麗頑固自持兵政不修殆啓俄人蠶食之原我朝廷始用敵體禮不知彼能發憤有所興起否暹羅人近模倣西洋亦欲自王者也在東洋隱如一敵國與安南緬甸輩不同支那人以為忠純乃視其交際有禮而為此語耳阿

暹羅在東洋
隔如一敵國

西伯將出
一強大國

萬國史記 卷四

富汗亦可以為善國比之印度人則稍有氣矣西伯利廣漠無足
觀者而俄人盡心經營究其所志亦將出一強大國未可侮也

萬國史記卷四終

2
5
31

